



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

8 MEI 2022 (AHAD)



KERATAN AKHBAR DAN MEDIA ONLINE (KPDNHEP)

8 MEI 2022 (AHAD)

Permintaan luar biasa punca petrol habis

PETALING JAYA: Permintaan luar biasa dan kesukaran menambah bekalan kerana lori tangki terpaksa menempuh kesesakan lalu lintas menjadi punca sesetengah stesen minyak terutama di Pantai Timur kehabisan stok pada musim perayaan ini.

Bercakap kepada *Mingguan Malaysia*, Presiden Persatuan Pengusaha Stesen Minyak Malaysia (PDAM), Datuk Khairul Annuar Abdul Aziz berkata, jualan petrol melonjak mendadak disebabkan ramai pengguna 'melepaskan geram' pulang beraya di kampung menaiki kenderaan masing-masing setelah dua tahun tidak dapat berbuat demikian ekoran pandemik Covid-19.

"Sesetengah stesen kehabisan stok minyak kerana jualan naik mendadak berbanding musim perayaan tahun-tahun terdahulu.

"Proses penghantaran bekalan ke stesen minyak oleh lori tangki pula mengalami kesukaran kerana memakan masa disebabkan lalu lintas sesak," katanya ketika dihubungi di sini semalam.

Terdahulu, pengguna media sosial berkongsi kesukaran mendapatkan petrol sehingga menyebabkan banyak kereta tersadai di stesen minyak Pantai Timur terutama dari Besut, Terengganu hingga Kuantan, Pahang.

Khairul Annuar berkata, pihaknya sentiasa berhubung dan mengemas kini dengan pihak stesen minyak serta syarikat minyak bagi mengatasi masalah tersebut.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Terengganu, Saharuddin Mohd. Kia berkata, kesemua stesen minyak yang terjejas adalah di laluan utama dari Besut ke Kuala Terengganu.



SEBAHAGIAN kenderaan perantau yang tersadai akibat kehabisan petrol sehingga menyebabkan kesesakan di sebuah stesen minyak di Saujana, Setiu kelmarin.



SEORANG pekerja memegang plakad memaklumkan bekalan petrol RON95 sudah habis di sebuah stesen minyak di Bukit Payong, Marang.

Stesen minyak di Terengganu, Kelantan kehabisan petrol kerana perantau pulang beraya **Ratusan kenderaan tersadai 10 jam**

Oleh MOHD. AZLI ADLAN
dan TOREK SULUNG

SETIU - Gara-gara kehabisan petrol RON95 dan RON97, ratusan kenderaan tersadai lebih 10 jam di beberapa stesen minyak di daerah ini dan Besut kelmarin.

Mereka yang rata-ratanya perantau dan mahu pulang ke destinasi masing-masing selepas beraya di kampung terpaksa menunggu ketibaan lori tangki membawa bekalan petrol sehingga pukul 12.30 tengah malam.

Kebanyakan stesen minyak di kedua-dua daerah itu terutama di Jalan Kampung Raja-Merang dan Jalan Kuala Terengganu-Kota Bharu yang sesak dengan trafik kehabisan bekalan petrol masing-masing akibat penggunaan tinggi.

Seorang pengguna yang terkesan, Mohd. Rafi Kori, 43, berkata, dia dan keluarga yang dalam perjalanan pulang ke rumah di Kampung Pulau Manis, Kuala Terengganu dari kampung isteri di Pendang. Kedah terpaksa tersadai selama lebih lima jam akibat kenderaan dinaiki

mereka kehabisan petrol.

"Kesesakan mula teruk apabila memasuki sempadan Kelantan-Terengganu di Jerth, Besut. Saya membuat keputusan membelok ke Jalan pantai (Jalan Kampung Raja-Merang) tetapi sesak juga.

"Saya agak panik kerana petrol kereta tinggal sedikit sewaktu tiba di Tembila, Besut tetapi kebanyakan stesen minyak dilaui sudah kehabisan bekalan," katanya ketika dihubungi Kosmo! di sini semalam.

Mohd. Rafi berkata, kereta dinaiki keluarganya kehabisan petrol apabila tiba di sebuah stesen minyak di Saujana di sini pada pukul 7.30 malam.

Tambahnya, insiden kenderaan tersadai akibat kehabisan petrol bukan sahaja menimpa dirinya malah ratusan pengguna lain di stesen-stesen minyak di sepanjang Jalan Kota Raja-Merang.

"Lori tangki membawa bekalan minyak akhirnya tiba pada pukul 12.30 tengah malam. Kami mengisi petrol sebelum meneruskan perjalanan pulang ke rumah.

"Saya tiba ke rumah pada pukul 3.30 pagi. Ini pengalaman pertama tersadai akibat kehabisan petrol walaupun pada musim perayaan Aidilfitri sebelum pandemik Covid-19," katanya.

Seorang lagi pengguna, Norshamsiah Mansor, 28, berkata, dia dan keluarganya tersadai di sebuah stesen minyak di Penarik di sini sejak pukul 2 petang.

"Kami tidak mahu mengambil risiko kehabisan petrol ketika dalam perjalanan kerana aliran trafik agak sesak.

"Lori tangki tiba tidak lama kemudian tetapi sekadar membawa bekalan petrol RON97. Kami tiada pilihan walaupun ia lebih mahal iaitu RM3.94 seliter," ujarnya.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Terengganu, Sahrudin Mohd. Kia mengakui berlaku kekurangan bekalan petrol di beberapa stesen minyak di negeri ini.

Bellau berkata, masalah itu disebabkan penggunaan tinggi

pada Aidilfitri ini.

"Bukan semua stesen minyak terlibat, kebanyakannya di laluan aliran trafik tinggi.

"Sambutan Aidilfitri kali ini agak luar biasa menyebabkan kapasiti penuh bekalan minyak di stesen minyak berkenaan habis dalam tempoh sehari," katanya.

Sementara itu, kejadian sama turut dialami pengguna di **Pasir Puteh, Kelantan** apabila lima buah stesen minyak di Semerak, Beris Lalang dan Kuala Besut di sini kehabisan bekalan petrol RON95 dan RON97.

Tinjauan Kosmo! mendapati, pemandu kereta menunggu seawal pukul 8 pagi semalam selepas mereka tidak dapat mengisi petrol malam kelmarin.

Ismail Mamat, 44, berkata, pengguna jalan raya mula beresak ke stesen minyak selepas penjualannya mula dibuka kepada orang ramai pukul 8 pagi.

Menurutnya, stesen minyak di jalan utama susur keluar untuk kembali ke ibu kota menjadi tumpuan ramai sejak dua hari lalu menjadi punca petrol habis.

"Saya dan keluarga terpaksa menunggu sehingga dua jam di stesen minyak di Dalam Rhu di sini. Kami terpaksa beratur sehingga satu kilometer.

"Keadaan itu menyebabkan kami lewat tiba ke Kuala Lumpur selain perlu bersesak di Lebuhraya Pantai Timur," katanya di sini semalam.

Jurucakap stesen minyak yang ditemui mengesahkan keadaan itu berkata, bekalan minyak pulih seperti biasa awal pagi semalam, namun pertambahan pengguna melebihi tiga kali ganda berbanding sebelum musim perayaan.

Rohamad Abdullah, 32, berkata, dia telah cuba berpatah balik untuk mengisi petrol di beberapa stesen minyak yang lain termasuk di bandar Pasir Puteh, namun gagal kerana masalah sama.

"Pihak berkuasa harus memberi kebenaran kepada lori tangki minyak beroperasi pada musim perayaan bagi membolehkan pengguna mendapatkan bekalan yang mencukupi," ujarnya.



Penggunaan petrol melebihi jangkaan

Peningkatan jumlah kenderaan pulang beraya punca stesen minyak di Terengganu kehabisan petrol

Oleh RAHAYU MUSTAFA

KUALA TERENGGANU

Kementerian Perdagangan Dalam Negeri dan Hal Ehwal Pengguna (KPDNHEP) Terengganu mengesahkan berlaku kekurangan petrol di beberapa stesen minyak di negeri ini sebagaimana tular dalam media sosial pada Jumaat.



SAHARUDDIN

Pengarahnya, Saharuddin Mohd Kia berkata, siasatan KPDNHEP mendapati kejadian itu berpunca daripada penggunaan petrol tinggi melebihi jangkaan susulan peningkatan jumlah kenderaan yang pulang ke kampung untuk menyambut Hari Raya Aidilfitri.

“Setiap stesen minyak mempunyai kuantiti petrol yang boleh digunakan untuk tempoh tertentu tapi disebabkan penggunaan terlampau tinggi pada hari raya, petrol ini habis sebelum

tiba tarikh bekalan baharu diisi.

“Kebanyakan stesen minyak terjejas adalah yang berada di laluan utama dari daerah Besut ke Kuala Terengganu kerana kawasan tersebut menjadi tumpuan penggunaan jalan raya,”

kata Saharuddin ketika dihubungi *Sinar Ahad*.

Bagaimanapun menurut Saharuddin, kekurangan bekalan hanya melibatkan petrol jenis RON95 dan keadaan dijangka pulih sepenuhnya secara berperingkat.

Beliau berkata, usaha mengisi bekalan baharu petrol di stesen minyak mengambil sedikit masa berikutan masalah kesesakan lalu lintas menyukarkan lori tangki tiba dengan lebih cepat.

Ni apa kes Pantai Timur tak ada minyak?!! Dari Besut sampai Kuantan. Kereta banyak sadai

Translate Tweet



Masalah kekurangan petrol yang tular dalam media sosial pada Jumaat.

FOTO: FACEBOOK



Isu jual produk sunah, ruqyah

'Jangan beli, henti kelirukan pengguna'

Oleh Nor Azizah Mokhtar dan Syaherah Mustafa
bhnews@bh.com.my

Kuala Lumpur: Peniaga yang masih menjadikan dakwaan makanan sunah dan ruqyah sebagai strategi pemasaran produk masing-masing, perlu segera menghentikan perbuatan tidak bertanggungjawab itu atau berdepan tindakan undang-undang pihak berkuasa.

Pada masa sama, Jabatan Kemajuan Islam Malaysia (JAKIM) mahu orang ramai membantu membanteras kegiatan tidak bertanggungjawab itu dengan berhenti daripada membeli mana-mana produk menggunakan dakwaan sedemikian kerana ia mengelirukan.

Malah, orang ramai dinasihatkan membuat laporan kepada penguat kuasa Kementerian Perdagangan Dalam Negeri dan Hal Ehwal Pengguna (KPDN-HEP) bagi membolehkan tindakan undang-undang diambil terhadap pihak berkenaan jika mempunyai unsur penipuan.

Nasional 2

Dakwaan hanya pelan pemasaran lariskan jualan

Dari Muka 1

JAKIM mengakui kewujudan produk yang dipromosikan sebagai makanan atau minuman sunnah kerana penghasilannya dibuat dengan iringan bacaan ayat suci al-Quran, zikir serta doa ayat Ruqyah, masih berlaku di-

sebabkan sokongan pembelian dalam kalangan umat Islam. "Lambakan pelbagai produk dengan dakwaan dibacakan 30 juzuk al-Quran, ayat Ruqyah, doa dan zikir serta makanan yang dilabel makanan sunnah dan penawar dalam pasaran ketika ini, boleh menimbulkan kekeliruan

dalam kalangan pengguna. "Dakwaan itu sebenarnya digunakan sebagai pelan pemasaran oleh sesetengah pengusaha produk untuk melariskan produk mereka tanpa mengira kesannya," katanya kepada BH dalam reaksi terhadap laporan mengenai penjualan produk sunnah dan penawar yang berleluasa ketika ini.

Muzakarah Jawatankuasa Fatwa Majlis Kebangsaan Bagi Hal Ehwal Agama Islam Malaysia (Jawatankuasa Muzakarah MKI) Kali Ke-108 yang bersidang pada 2-3 November 2015 sudah membincangkan isu Hukum Penjualan Produk Menggunakan Ayat Ruqyah (Ayat Al-Quran) Untuk Tujuan Komersial.

Hasil perbincangan itu, muzakarah memutuskan bahawa penggunaan ruqyah dan istilah 'makanan sunnah' secara tidak bertanggungjawab untuk tujuan mengaut keuntungan dan melariskan produk perlu dihentikan kerana dibimbangi termasuk dalam perbuatan memperdagangkan ayat-ayat al-Quran yang ditegah oleh Islam.

JAKIM berkata, sebarang usaha mengeluarkan produk sedemikian mendapatkan pensijilan halal juga berdepan kesukaran jika di-

canggih syariat termasuk apa diputuskan fatwa.

Katanya, berdasarkan Manual Prosedur Pensijilan Halal Malaysia (Domestik) 2020, Klaus 17(6) (b) pembungkusan, pelabelan dan pengiklanan produk yang ingin dipersijilkan halal hendaklah tidak melanggar prinsip-prinsip hukum syarak.

Selain itu, katanya, ia juga tidak menonjolkan unsur-unsur tidak sopan yang bertentangan moral dan memberi implikasi negatif kepada pensijilan halal Malaysia.

"Pelabelan dan pemasaran produk yang membabitkan unsur yang bercanggah dengan syariat, termasuk apa yang diputuskan oleh fatwa, maka pensijilan halal tidak dapat diberikan.

"Namun, jika dia (pengusaha) tidak memohon pensijilan halal, maka tiada tindakan boleh diambil melalui peruntukan halal dalam Akta Perihal Dagangan 2011," katanya.

Sementara itu, Timbalan Menteri di Jabatan Perdana Menteri (Hal Ehwal Agama), Datuk Ahmad Marzuk Shaary, menasihati pengguna supaya lebih peka dengan mengelak daripada mengambil sebarang produk yang tidak mendapat kelulusan Kementerian Kesihatan (KKM) dan apa

yang lebih penting memiliki status halal diluluskan JAKIM.

"Pengusaha kepada produk ini perlu memahami apa yang dimaksudkan dengan sunnah, adakah sama ada ia benar-benar seperti yang dimaksudkan atau sebaliknya. Pastikan produk yang hendak dijual bertepatan dengan tajuk yang dipromosikan.

"Sebagai contoh, ada produk bihin menggunakan lambang masjid namun ia tidak mempunyai sijil halal. Perkara sebegini juga boleh mengelirukan pengguna terutamanya mereka yang beragama Islam," katanya.

Beliau berkata daripada sudut kepenggunaan, orang ramai boleh merujuk kepada Kementerian Perdagangan Dalam Negeri dan Hal Ehwal Pengguna (KPDNHEP) dan membuat laporan sekiranya ada peraturan yang disifatkan berunsur penipuan.

"Pegawai KPDNHEP ada di setiap kawasan Parlimen yang ditugaskan untuk menerima aduan berkaitan dengan kesalahan dari segi kepenggunaan.

JAKIM menyerahkannya kepada KPDNHEP untuk hal sebegini termasuk membuat pemantauan," katanya selepas Majlis Rumah Terbuka Parlimen Pengkalan Chepa di Kota Bharu, semalam.

Ibadat & Fadilat

Abu Hurairah RA meriwayatkan Rasulullah SAW bersabda:
"Tidak beriman seseorang daripada kamu sehingga dia mencintai saudaranya seperti dia mencintai dirinya sendiri."
(HR Bukhari)

KAWASAN	SUBUH	ZUHUR	ASAR	MAGHRIB	ISYAK
Kangar	5:52	1:18	4:36	7:28	8:41
Alor Setar	5:52	1:17	4:36	7:27	8:40
P. Pinang	5:53	1:17	4:37	7:27	8:39
Ipoh	5:53	1:15	4:35	7:23	8:36
Kuala Lumpur	5:52	1:13	4:33	7:20	8:32
Shah Alam	5:52	1:13	4:33	7:20	8:32
Johor Bahru	5:45	1:04	4:25	7:08	8:21
Kuantan	5:46	1:07	4:27	7:13	8:26
Seremban	5:51	1:11	4:31	7:16	8:29
Bandar Melaka	5:51	1:10	4:31	7:16	8:28
Kota Bharu	5:45	1:10	4:29	7:20	8:29
K. Terengganu	5:43	1:06	4:26	7:15	8:28
Kota Kinabalu	4:53	12:16	3:35	6:25	7:38
Kuching	5:20	12:39	4:00	6:44	7:56